



柳洲詩集卷之九

毛蕃 蔣瑒

陳增新 李炳

同學

李煒 魏允枚

全選

魏允柟 曹鑑平

七言律詩二

魏允枚 六見

子更曰卜臣七言律托體高秀屬對精切
博雅整練吾黨所推然少宗于鱗間有習
見之語芟
除未盡



赤茂曰學濟南者易至癡重卜臣
天姿俊邁故無錯綵鏤金之跡
古聖曰卜臣七言律登選獨富集中不能
悉收為禹書汰去過半余甚惜之使俟端
書故當
尤勝

送陸季冲年伯之任鬱林

極目炎方瘴已收。分符新控五驂騑。
西迎庾嶺千林雪。南下湘江萬里流。
白雉乍通周譯貢。飛鸞不動漢臣愁。
共知鴻鴈衡陽少。音問遙憑桂樹秋。

穉賓曰字
字工穩

戊戌長安元日

神京千里敞晴煙。綵綴青繒闕下傳。
習戰昆池冰未解。時將發征
真之師受釐宣室席誰前。時方
齋戒緇塵又作燕臺客。初逢騎省年。
明日春風吹玉琯。次日
立春夢迴芳草接吳天。

鄢陵寄香巖

中原南望白雲長。苦憶臨岐一舉觴。
去後寒山凋錦樹。別時旅服被玄霜。
憐余虛擬蘇門嘯。予欲遊
百泉不果羨爾新歸洛下裝。
倘遇故人相問訊。高吟孤館尚他鄉。

廣陵諸子大會曲江予與香巖適至遇李玉

潤便招同集分韵得東字

傾蓋初逢李德公。相携良會曲江東。一時詞賦高
文苑。千載才名憶桂叢。玉管夜沉邗水月。銀濤秋
敞廣陵風。齊盟此日容誰共。姓氏樽前次第通。

曉發商丘至寧陵

屈指中原幾度過。分茅疇昔想鳴珂。于今詞賦遊
梁少。直北車書入宋多。萬里長風吹白雁。千檣落
日渡黃河。羈懷愁絕憑誰語。且對清樽一醉歌。

渡黃河

時河工未竟

迢迢夾岸集帆檣。夜半驅車逐曉霜。浪湧流澌千
里沒。風微古渡一舟杭。河隄使者推高第。少府金
錢出尚方。修築十年今就否。漢家功業在宣房。

行經太山

岩堯泰岱百靈居。此日遨遊願尙虛。蒼逕獨標秦
樹色。白雲猶識漢封餘。霜寒萬壑聞雞度。月落千
崖策蹇徐。七十二儀垂故府。何人能述馬卿書。

泰安遇章素文却贈

岱色凌空霜正濃。停驂逆旅暫從容。將馳匹練歸吳會。好探金泥問漢封。賦就未逢楊得意。名高誰並郭林宗。相思遠道頻回首。縹緲雲凝日觀峯。

河間道中遇雪

風高沙白雪初凝。匹騎垂鞭罷按鷹。野色宵浮珠樹月。寒流曉凍玉河水。剡溪興盡舟難泛。梁苑人歸賦未能。莫向長途怨蕭索。芳樽猶有酒如澠。

交讓曰三四聲景俱佳五六稍弱惜無以易之

人日集張叔緒宅

京陌相逢識茂先。莫開人日一觴傳。五陵夜月燕臺迥。雙闕晴雲漢時連。意氣共看桑落酒。風塵長對薊門烟。却憐自昔南征客。解道離家已二年。

邯鄲道中遇竟陵吳旣閑有贈

季重文章一代雄。齊驅七子建安中。叢臺日落嘶邊馬。夢澤天寒下塞鴻。行雨人傳神女賦。悲秋客擬大王風。蕪城茂苑花如錦。應有纖腰學楚宮。旣時

閑將買妾于廣陵吳閭間也

經伏城驛次上海朱思皇韵思皇云伏城故

魏忠賢懸首地詩因及之卽其實非也當
是阜城縣耳

飄零禾黍遍荒丘。慚向風塵曳敝裘。誤國中涓終
古恨。傷心北寺至今愁。先人不愧陽司隸。舊德誰
夸蒲武秋。十有七年宵旰在。何堪衰草白雲流。

子更曰妙

有章法

肅陶曰興懷家

國淒切悲涼

送劉無方還漢陽

南國文章舊識名。傳經原不愧更生。江皋水落魚

龍隱。漢浦霜寒橘柚輕。十載纏綿當日恨。三秋蕭
瑟異鄉情。遙憐鸚鵡洲邊草。酌酒憑君弔禰衡。

贈白會泗錦衣

三十登朝漢大夫。承恩官拜執金吾。籍通鳩鵲標
神策。貌入麒麟寵畫圖。清夢幾年違北闕。壯遊此
日渡西湖。相逢同是天涯客。傾倒如君興不孤。

詠白蓮花

紫藥朱蕤夏已殘。經秋素質獨珊珊。香含白露千
重潤。影接明河萬里寒。椒殿那須金作步。琳池原

以玉爲欄何如太華雙峯迴時下仙人絕頂看

詠白燕

纔是高襟罷祀辰東風拂拂羽毛新誰將姑射山
頭雪別作昭陽殿裏春飛絮隔簾難辨影落梅縈
樹故成茵依然一片零陵石旖旎蘭閨語未真

其二

千家簾幙向春開銜得香泥次第來弄影蹁躚翻
玉樹乘風蕩漾出瑤臺波明太液飛常緩月滿瀛
洲舞未迴自是雪衣衿上瑞紅襟翠羽莫相猜

詠紅梨花

榮南千樹擢風標改作新粧別樣嬌着雨乍逢瓊
玉潤含霞常對碧山遙不須上苑栽金葉何必名
園散紫條愁絕夢回庭院冷月明如水浸紅綃

詠春草

千里平蕪淑景浮萋萋先自徧林丘金羈宛轉王
孫路玉輦從容帝子遊色映青袍人外遠風微紫
陌望中收石頭城下芳湖繞纔到春淡靜不流

掌公曰卜臣禹書俱工詠物卜臣
以典勝禹書以致勝洵稱勁敵

賀曹子閑父執茲納二姬

美玉羅纓好結恩。鴛鴦左顧粲盈門。綺窗對望銀屏暖。金屋雙携翠袖溫。自是織縑同織素。何如桃葉復桃根。長裾分綰陳王佩。鄴下風流未足論。

張辰 三見

送穉賓就試北雍

春風送客悵流鶯。無奈春江柳色清。對策譽高玄武闕。題詩花發鳳凰城。十年已就三都賦。二月初爲萬里行。明到河梁分手處。蒲尊桑落不勝情。

交讓曰錄別之章婉麗獨至

吳熊佳 字非熊

重送興公兄之禾

露白天清秋氣涼。芙蓉碧水映芳塘。畱君不作驪駒唱。爲我重傾竹葉觴。雲浦高臺虛綠檻。月臨曲渚戒牙樯。明朝又發南湖棹。解珮還過錦瑟傍。

維揚旅次有懷鳴大廷益

鬼葵燕麥摘應稀。想見君肩白板扉。家近滄洲臨去水。心隨皓月歷馳暉。孤蓬千里離愁劇。雙鯉經

時尺素違何日澄灣共銷夏開尊潦倒舊漁磯

子更曰似隨州
送陸倉曹作

蔣會貞

見

穉賓曰鳴大七言律
刻意高岑特見融洽

涿州阻雪

繞涿寒冰凍不開。停驂一顧徘徊平。原木杪黃
雲合大漠天邊白。雁來盡入北風聞。舊誌歌傳西
極有新裁。遙憐闕塞長征客。獨上金微萬里臺。

雪霽行良鄉道中

朔風吹雪滿征鞍。北闕雲開馬上看。夾道垂冰明
萬樹。連崖積素鬱千盤。鳴笳互動燕山暮。擊筑徐
聞易水寒。獻賦未能工羽獵。蕭蕭裘褐又長安。

交讓曰二作
俱極道練

宿白龍潭作

風雨春江夜泊船。辛夷花發滿堤前。海潮迴落龍
潭水。戍火遙生鶴渚煙。日黯荒城回獵騎。雲迷古
驛有啼鵲。迢迢夢繞朱樓月。依舊清光似去年。

無題

粧成十五勝胡姬。碧玉瓜期未有期。新蝶愛花常
護粉。春蠶獨繭漫抽絲。不看湘竹愁仍結。卽化巫
雲夢。豈知惆悵臨風無限恨。明璫何處解相思。

掌公曰
似玉溪

白燕

瑤光素影散星精。始得王威賦裏名。曾被烏衣更
白袷。乍飛齊郡復宣城。梁空玳瑁堂前冷。裙曳留
仙掌上輕。故國已非尋故壘。春來秋去若爲情。

周振瑗

四見

京口夜泊

嵯峨雉堞控三吳。嶺樹江花落照孤。四塞古來憂
戰伐。萬家今日幸樵蘇。山縈北固連京峴。江湧南
徐入練湖。六代繁華已消歇。空餘夜月照平蕪。

贈王勝時遊括蒼

白葦蕭蕭亂朔風。獨攜孤劍渡江東。隔林野火明
原上。夾道山泉入鏡中。絕壁連雲迴落雁。喬松傍
石挂長虹。翩翩懷祖風流士。月滿南樓對庾公。

聞官軍征廣

傳聞羽檄又徵兵。使者銅符海上行。別隊歌翻朱
鷺曲。前茅旗擁白羊城。戰深落日悲笳冷。陣合黃
雲班馬鳴。漢室樓船平百粵。書生何事請長纓。

輝六日麟聲三

作菁英可挹

倪晉四見

冬日舟行

遙聞候雁客心驚。水落滄江悵獨行。山際孤雲凝
大野。天邊萬木下荒城。汀洲細雨寒花晚。驛路嚴
霜蔓草平。漫倚危舷自清嘯。銷愁端賴濁醪傾。

子更曰朗

麗可誦

六見

孫錄

交讓曰古。隍七言律結撰簡嚴。抒詞典麗。觀其下筆。令人想良工苦心。

燭崑曰古。隍七言律高華。

俊逸在王維李頎之間。

送陳公朗先生轄關中先生以宮詹出領齊

藩復除今職

天子方紆借箸憂。重臣分陝向雍州。五銖已解東
南困。九賦應寬西北愁。月照藍田千里暮。晴開華
嶽萬山秋。鳳池染翰當年事。回首京華獨倚樓。

送卜臣遊中州兼寄夏邑陳簡菴

總轡還吟入洛詩。共憐岐路尚驅馳。燕山花發聽鶯早。梁苑春深立馬遲。夢裏故交頻惜別。客中風物易驚時。夷門猶有侯嬴在。虛左逢迎知是誰。

穉賓日詞致工
穩結更婉秀

送陸季冲之任鬱林

驂騑爍電本空羣。嶺外梅花正俟君。地近蒼梧常帶雨。天連勾漏半飛雲。莫辭柳酒蠻中醉。更有蘆笙馬上聞。此去不須愁薄宦。故人還是沈休文。沈季

子備兵
嶺南

潁川劉公勇貽示新詩率爾奉答

憶別鶯花繞帝州。春風獨下五湖舟。尊前月滿青山暮。江上書來白雁秋。康樂詩名先二謝。孝儀文筆駕諸劉。和歌欲報瑤華贈。一曲陽春未易酬。

子更曰
秀整

送詹去矜

蒼蒼樹色望中收。落日天涯擬四愁。蔓草寒烟思故國。孤帆細雨下南州。窮途阮籍終難合。懷刺禰

衡未可投歸去琴尊應有待辛夷
吸莫淹留

感懷

南苑歌鐘列綺筵遲遲風日草芊芊
蠶名繭微

荒服千緝奇文貢日邊春到上林誇羽獵夜來宣

室問神仙周王白鹿尋常事金馬方追漢武年

歸舟有懷田髯淵鄒許士暨子更交讓穉賓

孤帆渺渺暮雲垂又見朱明節候移寄遠自裁三

歲札懷人擬咏五君詩序成曲水當愁日賦就青

山入夢時十載江湖多舊侶好憑風雨問相思

送馬覲揚督糧七閩

詞賦翩翩重馬卿星輶遙指七閩行飛芻自壯軍

儲色治粟兼傳內史名扶荔參差橫驛路刺桐高

下護江城離筵斗酒真難別月落天高雁幾聲

贈莫生

少年詞賦茲鄒枚搖落清秋重可哀老去扁舟浮

震澤夢餘疋馬到金臺却隨公子軒車入曾侍諸

王醴酒來醉裏不堪談遑事仲宣流寓本多才

擬義山體

池塘新柳弱垂垂。小院春深聽子規。對酒愁分今夕夢。看花人負去年期。裁成吳紵原千縷。織就齊紈自一絲。憔悴蘼蕪山上色。秋江寒雨白蘋詞。

掌公曰香

奩絕唱

聽鶯

上林日日報新晴。始識春風第一聲。卧起不禁幽夢斷。聽來無那客愁生。錦機欲罷天孫織。寶瑟空傳帝子情。斗酒雙柑成獨逞。相逢莫賦麗人行。

窗外梨花和宋玉叔韻

翠幙風來體自輕。珊珊偏傍月中明。齊紈細剪迷春燕。吳紵勻裁妬曉鶯。高士閒居懷大谷。詞人亂後說西京。紫條青玉原多異。不向明光殿裏生。

無題

十年哀怨泣瀟湘。爲訴琵琶淚幾行。一自金閨離婉孌。又從碧海說興亡。竹枝自唱樓頭月。桃葉重歸渡口霜。楊子悠悠千萬折。爭如妾恨九迴腸。

赤茂曰

悽婉

贈陳其旋納姬

簪花鸞鏡夜何其。明月新籠五色絲。鳳蠟光搖銀
蒜後。鵲橋人映玉山時。水晶簾迥迴。紈扇雲母屏。
深侍雪兒春。到海棠留夢穩。賈香今已屬陳思。
乃姬氏賈

陳學謙 三見

遊廣陵陳氏園亭

高陵深谷幾回遷。猶有園林似昔年。石壁曉開千
嶂色。衡門晴散一溪烟。斜通歌吹橋邊路。小隱樽
壘郭外天。竟日能淹嘉客興。高吟應藉習池傳。

咏松

貞松百尺挺山隅。秦帝曾封五大夫。蒼鬱遙看佳
氣迥。青蔥高竦白雲孤。濤聲萬壑來空濶。翠色千
嶺望有無。獨自年年傲霜雪。豈同秋草蔓平蕪。

越石曰託旨傲兀能自見意

朱適成

五見

赤茂曰求仲七言律規摹歷下獨得傳衣

懷岱宗

岱宗形勝信雄哉。萬里天門霽色開。秦帝遺碑生

綠字漢家斷簡護蒼苔。池臨玉女雲霞合。峯接蓮花日月迴。七十二朝今寂寞。云亭封禪有誰來。

懷衡山

崑崙衡岳接遙天。日麗霞明玉洞前。七澤濤深連暮雨。九嶷峯斷鎖寒烟。翠華尚憶巡南極。白晝曾聞降列仙。我欲振衣千仞上。乘風清嘯祝融巔。

懷華山

太華真形在眼中。煙雲迴合杳無窮。捫蘿毛女三峯迴。携屐幽人一徑通。絕壁自浮仙掌露。層巒不

斷石蓮風。遙看萬仞芙蓉色。千載應知造化功。

懷廬山

廬山遠控斗牛區。想像崔嵬翠壁孤。雲斷蓮花橫夕鴈。濤寒彭蠡浴春鳬。談經開士空今古。栽杏仙人定有無。見說層宮飛瀑處。九天風雨下笙竽。

懷天台

會稽南去是台州。縹緲群山洞壑幽。瀑布晴翻天姥雨。霞標曉映赤城秋。漫同太白尋仙隱。且學興公賦勝遊。瑤草琪花如可問。石梁咫尺接瓊樓。

穉賓曰求仲有名山八懷詩今錄其五
卽境摘詞各出新色使人應接不暇

擣衣

城邊清漏。蕭瑟空帟。對夜深。木落澄江。催
朔雁。霜飛遠渚。動寒砧。金微半度。閨人夢玉杵。雙
懸戍客心。聞道從軍征戰苦。龍堆北望更沾襟。

子更曰五

六明秀

周

珂五見

子更曰越石七言律寫景入神鍊
詞極雋可以兄事大復弟畜方城

秋懷

遙聞仙仗出金溝。滄海波澄靜不流。日映朱旗連
鳳沼。風迴錦浪夾龍舟。銅盤露冷三更月。玉杵寒
生萬戶秋。獨有離愁江上客。不堪重聽古涼州。

卜臣曰昆明池

水有此瓌麗

至錢塘值官軍渡江

水犀組甲耀寒沙。彩仗參差映落霞。帳裏梅花吹
玉笛。軍中楊柳動金笳。越山隔岸千峯盡。吳樹臨
江一帶斜。夜久潮生人語靜。月明枝上聽啼鴉。

舟行七里灘

此日鳴榔下釣磯。蕭蕭落葉滿征衣。五峯黛色隨
雲迴。七里濤聲傍艦飛。隔浦帆檣山際出。遠村烟
火樹中微。朝朝暮暮滄江上。惟見群鷗逐浪歸。
蘭谿寓中同王勝時及成之鷹垂兩侄夜集
萬里帆檣挂日邊。大江夕照水連天。晴霞遠鎖千
重樹。亂石斜飛百道泉。白苧歌翻秋欲暮。黃壚酒
熟月初懸。明朝一曲驪駒唱。愁見征鴻向客前。

遊南明山

南明雨歇遠烟浮。客子登臨咏四愁。俯瞰龍湫通
百粵。遙臨雁蕩接東甌。亂山木落連雲動。半夜潮
生帶月流。石壁已無精舍在。可能重問謝公樓。

同梁谿季程戾董志醇泊睦州

又見秋深木葉飛。暮雲青靄望中微。桐君山迴留
丹竈。嚴子灘寒落釣磯。柝冷城頭群雁度。月明江
上一人歸。相逢欲解吳鉤贈。永夜高譚玉漏稀。

雨宿錢塘

征帆一半夕陽收。烟水蒼茫古渡頭。向客黃花開
晚徑。避人鷗鳥宿寒洲。樓臺影接層巒雨。蘆荻聲

連大壑。秋最是江濤。翻日夜。蕭條旅客不勝愁。

穉賓曰五六
聲景壯濶

婺州懷肅陶弟

婺城留滯又初冬。山下遙聞古寺鐘。碧澗中流翻
翠壁。青松倒影挂蒼龍。天邊雨合千重樹。馬首雲
開萬仞峯。春草近來常入夢。幾時携手一相從。

登栢州城

高峯突兀偃虹霓。草短平原獵馬嘶。麗水遙通甌
海北。栢山斜控赤城西。大旗落日金笳動。画角寒

雲玉帳低。聞道飛符催版築。城頭無復夜烏啼。

孔蓋曰通
體高華

蔣瑑

六見

穉賓曰禹書七言律不名
一家麗藻逸情俱臻至境
赤茂曰禹書七言律情致纏綿丰
度娟潔讀之如對靈和殿前柳

擬賈舍人早朝詩

金吾初罷曉氤氲。闔闔晴開謁聖君。日射罽毼宮
漏盡。香飄劍佩御爐分。鶯聲煖出龍池柳。雉尾春
移鳳闕雲。朝退恩暉何以報。願因歌吹奏南薰。

席上送孟天友還武昌

驪駒一唱露華生。萬里江天盡此行。欲繫歸鴻傳北信。更勞班馬向南征。瀟湘初落庾亮樓。前月正明對取清輝。勸尊酒。瀟湘相羈客。不勝情。

二

洞庭雲夢遠連天。西上孤槎銀漢邊。野戍曉迷樊口樹。江城秋散石門烟。一時詞賦空三楚。永夕交情自百年。欲奏陽春怨遲暮。和歌還有郢人憐。

卜臣曰二作極侶張謂別韋郎中詩予與禹書同賦是題景物相類而禹書饒有神

致遂置
已作

汎具區登西山作

萬頃蒼波接地浮。扁舟汗漫五湖遊。龍蛇東走滄溟險。日月中分震澤流。因訪靈威探石穴。欲憑羽翰跨丹丘。登臨回首長洲苑。目極鄉關動客愁。

寄王玠右名世兼詢韓友一閔山紆時四子

避地青邨

江城海嶠迥晴霞。採蕨餐芝老歲華。南國尚爲戎馬地。西山原傍隱淪家。遙憐楚客江邊草。悵望秦

人洞裏花折得瓊枝愁遠道赤烏碑上暮雲斜
彭燕又南還奉訪不遇却寄

昨歲君從冀北回相思空折嶺南梅胡姬滯客新
豐酒朔雁驚心故國哀千里迴風吹碣石三春明
月夢金臺長門能買君王寵狗監何知司馬才

子更日秀
雅多風

送曹方伯秋岳領藩東粵時以少司農左遷
去國浮江天地寬間關鸞轡百花關山當五嶺烟
爲瘴海近三洲水不寒陸賈暫羈南越使尉陀猶

識漢庭官空思好時歸田樂攬轡還歌行路難

王勝時從閩遊燕比歸書至奉答

乍從閩越向幽燕南北羈孤積歲年九曲夢回銀
海月三秋愁對玉河烟詩成蓮幕芙蓉色賦就芳
洲鸚鵡篇幾載依劉情不淺霸陵登眺使人憐

再遊神鼉仙館

仙山洞府九天開兩度登臨一舉杯松拂古壇多
漢樹花明玉竇少秦灰丹霄雞犬迎神鼎碧落風
雲護石臺羽士吹笙消永日虛疑廣樂下蓬萊

歲暮與吳弘人聞夏漢槎醉別松陵

鴛湖當日共春衣。笠澤經年見已稀。白眼一逢嵇叔夜。青山常憶謝玄暉。江城月落人相對。驛路霜寒雁獨飛。歲晚蕭條動歸思。臨岐先恨兩鄉違。

午日拜陳軼符夫子墓

畱林白草暗蒙茸。孤客傷心望九峯。五日龍舟荆俗事。千秋馬鬣漢臣封。誅文未擬工潘岳。碑頌何須假蔡邕。却憶會稽同難者。夜臺吟眺獨相從。謂夏靈胥也

再訪吳日千因憶遇吳于顧氏東園今五載矣悵然志感

辟疆回首五年愁。每見吳郎憶舊遊。白石自參天半嶺。紅泉并作海西流。劉琨清嘯偏宜夜。宋玉悲歌畏及秋。故國河山終不改。月明無那更登樓。

掌公曰
清麗

白燕

素翮翩躚舞袖長。雙棲曾到莫愁堂。楊花亂影飄珠箔。明月侵輝掩玉筐。南北不隨鴻雁去。東西還

共伯勞翔年年故壘空梁怨一度春歸一斷腸

紅梨

別有鉛華著雨嬌。襄陽曾得此陵苕。種分玄圃含
丹露。花出青田護絳綃。武帝園中香未落。太真樓
上色。初消春風莫更催。春盡留取花鈿綰翠翹。

春草

湖畔青青思遠道。數莖先發在湘沅。遙通謝客池
邊夢。長守明君塚上魂。南陌幾回愁少嬾。西江當
日怨王孫。可憐故國鶯花地。誰向春風感舊恩。

白蓮

綺衣當夕伴蘇昌。白玉連環素藥涼。人到峩眉花
似雪。山連太華藕爲霜。遠公蘭若干重影。漢主芳
池十里香。木葉江波相對老。不堪墜粉怨瀟湘。

雙頭蓮

水芝映水曲池明。灼若凌波水面輕。楚客爲衣憐
共帶。齊宮步襪羨雙行。醴湖舊著駢華瑞。玄圃重
看並榦生。秋草秋江人獨遑。花花相對爲誰情。

二

朱華綠水泛金塘。面面偏宜紅粉妝。並蒂微分初日影。兩花吹合晚風香。錦鴛愛托雙飛翼。越女愁牽幾斷腸。誰料同心不同結。秋來飄泊故衣涼。

交讓曰詠物詩古人所難興則意溢于辭比則客勝于主明初季廸海叟各以一物擅名未免斯弊唯有唐夢之守愚頗見風騷禹書數作足以下掩高袁上凌崔鄭

戲贈友人七夕納姬

百子池平漢渚浮。九華燈暗火西流。青鸞解合雲車會。烏鵲能消玉杼愁。漫托雙珠通兩意。翻憐一夕慰三秋。人間偷得成靈匹。笑指黃姑願白頭。

戲數迴文體贈妓非煙

妝成一笑解人誇。曲罷閒愁獨怨嗟。香繞玉山雲入夢。佩携珠館月爲家。梁空曉色春歸燕。閣鎖寒烟夜合花。腸斷祇憐誰命薄。牆東近望隔窓紗。

越石曰迴文詩難于聲調諧合集中端收此章取其穩也

陳昌五見

卜臣曰漢彬七言律儔爽有致

肇域至自西陵爲贈

壯遊裘馬自翩翩。見說西陵異往年。夜靜鐘聲來

萬壑月高樹杪出諸天拂衣欲下青山色染翰還
成白雪篇宋玉悲秋正蕭瑟登臨何處不堪憐

送吳永言之姑蘇

木落天開極望空輕裝此日問穹窿錦帆路杳朝
聞雁香水舟迴暮起風四皓入吳惟角里五噫辭
洛有梁鴻欲知別後無窮緒遙夜相思到夢中

釋賓曰神

氣融散

禹書杭歸作此問之

此日奇遊屬爾曹吳山一上最蕭騷金牛路斷祇

林迴木崔峯臨太白高夜雨乍迷蘇小墓秋風先
動伍胥濤愁予不獲追清興獨掩荆扉對濁醪

白蓮

誰誇紫葍與青房掩映階除雪作香豈爲觀濤逢
素女還因傳粉識何郎含葩似泛瑤池月振采疑
飛玉樹霜一望田田清影在臨風淡掃試新粧

計敬六見

上巳送徐敬可勝力之白下

鴛鴦湖上水悠悠鴛鴦湖邊花滿洲二子輕舟出

花去一輪新月空。高樓晴江萬里飄。飄路雲屐千
山汗漫遊。爲憶金陵最豪勝。只今誰似舊風流。

安上日有凌
虛徑度之意

明聖湖

秋入西泠萬木凋。幾回悵望旅魂消。層烟慘淡迷
三竺。疎雨依微見六橋。屢過荒臺思逞日。獨披殘
碣問前朝。鄂王墳上荆榛滿。迢遞江城禁采樵。

郁自振

三見

舟次送別

青谿送別黍離離。斗酒城闌日暮時。月出遙天人
共醉。風高古驛雁猶遲。荷衣卧病歸蓬徑。綵筆題
詩在玉池。岐路何當更分手。驪歌一曲思淒其。

重渡鶯脰湖

歸棹蒼茫悵倦遊。那堪重渡白鷗洲。雲濤薄暝孤
帆遠。草樹連天萬頃浮。罨畫溪長應漸近。靈威洞
杳竟難求。刀環尚隔鄉心切。徒有清吟緩獨愁。

子更曰景色甚
切寄託自遙

吳自求

三見

送錢長孺理池陽

佐郡如君未易逢。錦帆西指九芙蓉。澄清已按行
車轡。嘯咏常依卧閣窠。山色秋高寒白象。江濤春
濶抱黃龍。原知不淺登臨興。坐對簾前翠幾重。

咏白燕

吳宮芳艸自芳菲。學舞差池相對飛。天璽未分原
白石。霜毛初試在烏衣。棲梁欲映銀屏色。掠水能
涵玉沼輝。不信封侯人。萬里暮年真得一回歸。

燭崑曰咏物詩
不落晚唐蹊逕

曹爾垣 三見

與客談岳陽樓因賦

烽烟阻絕岳陽樓。楚地鶯花羨勝遊。鐵笛吹殘五
夜雨。君山橫斷一江秋。雕欄下瞰波疑射。畫棟遙
臨黛欲浮。千古正平鸚鵡賦。萋萋芳草使人愁。

卜臣曰曠
致絕倫

陸樹駿 二見

賦得魚戲新荷動

微風搖曳亂芳塘。蓮葉田田倚晚涼。但有游鱗來

蕩漾未容纖羽試迴翔。隨波自點青錢少。唼荇頻牽翠帶長。南北東西渾不定。隔溪猶聽唱招商。

東郊夜集分韻得攜字

朱樓斜倚畫橋西。子夜歌殘月漸低。中婦沉吟臨曲巷。小姑獨處本清溪。棲烏已向瓊枝繞。班馬猶啣珠勒嘶。共醉壚頭今夕酒。腰間寶玦好相攜。

越石曰溫

麗不佻

卞

庚

二見

潤洲秋晚

青雀澄江未擬迴。驚看白浪雪山來。蕭森落葉千林淨。黯慘陰雲半嶺開。愁絕憑闌時送目。興深秉燭且啣杯。旅懷最是清秋劇。莫遣登樓王粲哀。

卞臣曰起得俊逸

沈氏園亭

城陰池館晝樓遲。鹿苑踈鐘度柳枝。澆潯綠荷魚戲後。呢喃新壘燕巢時。圃留張廌千竿竹。樓寫休文八咏詩。暇日長歌兼縱酒。高懷能得幾人知。

曹鑑平

六見

子更曰掌公七言律
清華雋逸不愧宗風
赤茂日掌公七言律風神俊
爽情味流溢能使讀者意遠

穉賓客江陰詩以懷之

楊柳臨風兩岸斜。思君春暮尙天涯。幾人江上同
爲客。何處樽前不憶家。季札殘碑淪蔓草。春申濁
浪走平沙。旗亭早貰蘭陵酒。莫使歸程滯落花。

交讓曰三

四流麗

送亭彥入都就試

南風入律草方曛。把手江干一送君。會見金輿臨

壁水。還陪玉輦祀河汾。柴車坐屈公卿貴。白恰從
知意氣殷。夙有盛名傾冀北。秋高那得不空群。

擬唐人興慶池侍讌應制

千官扈蹕出甘泉。興慶池頭敞御筵。花外旌旗分
羽衛。柳邊鼓吹起樓船。晴開雙闕香烟合。雨歇千
門淑景懸。睿藻紛披賡未得。凌雲還待上林篇。

送季冲之任鬱林

幃帷百粵擁鳴騶。四十專城是壯遊。驛路梅花初
破臘。炎方木葉少逢秋。山縈峻嶺千盤出。水落滄

江萬里流此去日南天欲盡春風先到鬱林州

穉賓日情
詞綿邈

寄懷卜臣中州

朔風吹雁自南天錦字殷勤寄洛川千里論交如
接席三秋惜別忽經年故人濁酒繁臺讌上客高
吟桂苑篇詞賦知君能獨擅檀欒修竹暮雲連

同穉賓遊維揚福源寺

輕舸二月下揚州選勝同來古寺遊晴雪高樓開
嶂色春潮淺井接江流寺有井通大江禪心自向花宮寂

客興還隨竹徑幽薄暮使君行視地祇林暫繫五

驂時蕭五雲以
相地適至

微之兄携笈雲間賦別

谷水遙連白苧城旗亭對酒聽新鶯鶴鴒兩地難
爲別舟楫三春復送行入夢雨中芳草徧相思江
上柳條生下帷舊有機雲宅握手臨風無限情

夜泊張秋

河干日暮片帆停垂柳含烟色更青月黑榜人尋
岸火波澄漁子逐春星梁山杳杳連青嶂汶水悠

悠隱白萍。名魚北望長安愁驛使。計程何日得趨庭。

重九前一日天寧僧舍對雨

百雉荒烟鎖未開。相携古寺一登臺。當窓樹影參差見。隔院鐘聲斷續來。叢菊乍逢今夜雨。濁醪空對故人杯。秋風旅館偏蕭瑟。鼓角高城暮轉哀。

亭彥曰隨

州佳境

郊外訪菊小酌

扁舟共問隱淪家。夾岸秋光興不賒。坐擁紅粧歌白苧。門臨碧水映朱霞。開尊擬醉參軍酒。移席同

看處士花。向晚回橈纖月落。漁燈明滅亂平沙。

臨清觀女劇

結束翩翩點翠螺。鵲絃細譜雪兒歌。伊涼塞北愁無限。花月江南夢自多。三部梨園皆內史。兩行回鶻盡宮娥。飄零亦有題詩客。說到開元掩淚過。

輝六曰似義山

戈元穎五見

子更曰長鳴七言律丰姿俊逸

讀無能新詩

榴花開徧復紅藥。此日相過下澤車。散病尊前司馬賦。感時篋裡賈生書。中原意氣憐同調。京國篇章慰索居。欲報瑤華慚玉案。北窓風雨渺愁予。

送子殷遊廣陵

蕪城風景近何如。聞說瓊花六代餘。暫引卧龍名士轍。爲傳驄馬故人書。平山堂下停游騎。甓社湖邊看捕魚。此去觀濤秋信早。未應携雀返山廬。

赤茂曰其

音綿婉

沈

鱖

二見

西陵春望

携筇湖上眺雙高。百道飛流掛樹梢。睥睨暮烟生列肆。呆愚春燕定新巢。松聲似逐寒潭轉。柳色長疑綵鷁交。却羨杜門高卧者。廻塘十里淨春茅。

子存曰五

六簡練

王

辰

四見

送友人之江夏

城邊楊柳又經秋。鄂渚遙登青翰舟。共道襴衡方入楚。誰知王粲更依劉。天高翠落芙蓉嶺。日暮濤

寒鸚鵡洲江夏只今風景異。好因明月倚南樓。

懷輝六渭揚安慶

翩翩帆影下揚州。才子乘春賦遠遊。天柱山頭明月迥。金雞洞口白雲流。懷人故國應馳夢。作客它鄉獨倚樓。聞道季鷹思解綬。秋風蓴鱸莫淹留。

聞笛

寒砧昨夜動嚴城。橫笛遙天響更清。怨入落梅隨月度。愁移折柳逐風生。淒涼江上桓伊弄。蕭瑟山陽向秀情。一曲龍吟吹不斷。幾回寥亮起秋聲。

子更曰賦

物工秀

五見

陳暉吉

卜臣曰履旋七言律
清令標鮮殊可樂詠

夜宿天竺同州來

西陵蘭若倚雲平。入望雙峯翠削成。秋淨松杉霜樹麗。月高臺殿雨花明。澄湖不斷金牛影。古寺誰誇白馬名。蓮漏宵分仙梵寂。好同玄度說無生。

逢冊封琉球使者

朝宗海外盡來同。玉節金章象譯通。周室版圖開

越○徵○漢○家○聲○教○訖○閩○中○相○如○諭○蜀○因○承○旨○博○望○乘○
槎○本○鑿○空○斷○髮○離○題○皆○受○吏○揚○波○還○令○驗○東○風○

禹書曰
弘雅

送夏生入都

協○律○原○推○第○一○流○秋○風○重○作○帝○京○遊○輕○調○鳳○吹○繁○
音○切○細○轉○鵬○弦○逸○響○浮○何○必○文○章○逢○狗○監○自○應○供○
奉○入○龍○樓○遙○知○歸○路○寒○梅○發○倚○曲○還○生○笛○裏○愁○

咏海棠

濃○淡○齊○開○麗○日○中○滿○園○春○色○過○牆○東○飛○來○鳳○羽○含○

清○露○點○就○蛾○眉○對○晚○風○蓬○島○移○花○春○水○碧○蜀○江○濯○
錦○綵○雲○紅○夜○深○自○顧○殘○粧○影○明○月○依○依○夢○未○通○

錢士賁

五見

擬唐人興慶池侍宴應制

鸞○旂○鳳○輦○幸○城○隈○法○酒○仙○音○次○第○催○隊○逐○魚○龍○迎○
曉○仗○香○分○菡○萏○入○霞○杯○天○高○翠○嶂○晴○峯○出○地○繞○黃○
河○瑞○色○開○羽○獵○長○楊○誰○紀○盛○侍○臣○深○愧○子○雲○才○

雜感

烟○波○一○望○滿○吳○關○岸○柳○青○青○漸○可○攀○暖○入○惠○風○新○

草木愁隨清夢舊。河山小園鶯轉嬌。春色大庾花深照。客顏遮莫喧歌連曲港。閒門流水自潺潺。

輝六日清
迴不群

周振藻

六見

交讓曰肅陶七言律氣體清華都會諸詠乃其垂髫所作已自矯矯

都會雜詠

秣陵宮闕滿春蕪。六代繁華望有無。一自淮徐移萬騎。遂令烽火照三吳。春歸燕子烏衣巷。風急魚龍玄武湖。青草萋萋戎馬地。江城猶聽夜啼烏。

其二

迢遞黔江息鼓鼙。山城斗絕夜郎西。惟餘雞驛屯千旅。半屬龍家傍五溪。諸葛寨中寒月曉。馬援祠上白雲低。春風不到炎荒地。歲歲銅崖碧草齊。

其三

襟帶三江朱邸開。荒城落照半蒿萊。鳳凰積翠千畝繞。彭蠡春濤萬里迴。祇有仙人留第宅。漫從宗子問池臺。蕭條何處滕王閣。昔日歌梁風雨摧。

其四

蒼梧形勢鬱嵯峨。銅柱功名想伏波。萬里虎頭停玉節。三年鳳水動金戈。丹砂何處尋仙令。錦石曾聞使尉佗。瓊海瘴時風浪急。入春常怪鷓鴣多。

子存曰四詩情致蒼涼殊得吹臺懷古遺意

咏竹

拂翠凌霄起玉墀。秋風吹徹歲寒姿。江邊二女啼痕在。林下諸賢嘯詠移。白鳳啄殘雲母實。青鸞飛上合歡枝。更憐密葉叢生處。窈窕偏宜太液池。

渡江風甚不及登金山因賦

倦遊牢落意如何。客路初從京口過。鼓柁漫同漁父傲。渡江應聽榜人歌。傷心瓜步寒烟合。回首金山暮靄多。欲事登臨一乘興。片帆風急奈蹉跎。

陳哲庸 六見

掌公曰孔益七言律聲采壯亮

擬興慶池侍宴應制

鑾輿春暖幸甘泉。夾岸笙歌繞畫船。東沼魚龍初出水。南山草木盡含烟。天開瑞靄浮宸蓋。地擁晴峯入御筵。愧乏鄒枚詞賦麗。欣逢睿藻慶遐年。

遊竹隱寺

石磴遙攀路不窮。逶迤鳥道鎖龍宮。堦前曲澗浮珠宇。檻外危巒倚彩虹。竹徑雲深千頃碧。楓林日落萬山紅。羅衣寶馬今安在。空使登臨弔朔風。

登烟霞塢觀瀑布

秋風蕭瑟到山阿。縹緲晴霞映薜蘿。百道飛泉穿石磴。千重絕巘瀉銀波。霜寒古木鴻音斷。日落深林虎嘯多。試問劉公棲遯處。茅齋寂寂自高歌。

懷斗錫舅氏病中

幾度天涯滯客車。誰傳七發慰離居。窮途阮藉常揮淚。卧病相如只著書。東郭寒生遲白雁。南洲夜靜落紅蕖。不堪伏枕多愁寂。又值秋風動短裾。

達夫日五

六清新

陸凝

三見

送家孝山典郡南雄

使君三十已專城。大庾迢迢五馬行。天柱花深迎露冕。洪崖雲起拂華旌。廣南自昔推公紀。洛下由來重士衡。莫道一麾愁遠宦。寒梅萬樹嶺頭明。

穉賓曰楚湄恂恂
雅士詩亦娟潔

李孫煌

四見

交讓曰次彬七
言律羅羅清疎

南湖感舊

縹緲危欄攬勝遊。鵲鵲鵲滿汀洲。高秋匹練縈
明月。倒影千檣動。画樓廢苑有基。青草沒殘碑。無
字綠苔浮。芙蓉零落江楓冷。蘭若霜鐘起暮愁。

伍相祠懷古

相國祠前極望開。江流北去接胥臺。空堂風雨蛟

龍出。深夜神靈劍佩來。市上吹簫行國恨。蘆中鼓
枻和歌哀。卽今葭茨蒼蒼處。憑弔當年首重回。

咏白蓮

紅苞紫葍滿華池。何似堦除白雪姿。影入冰壺看
不。見香浮玉盃。醉還知輕風乍展齊宮步。初日頻
催謝客詩。我欲採之貽遠道。涉江千里寄相思。

越石曰詠物能
雅獨見此章

送廷益就試北雍

陳琳章表不群才。此日成均應詔來。五兩輕風移

雀舫千閑駿足試龍媒。談經自奪張憑席。挾策先登郭隗臺。高第君家有故事。漢廷重拜賜金迴。

錢煥 四見

登太行絕頂

中天削就玉芙蓉。絕壑懸崖斷碧空。鳥道崎嶇盤日月。羊腸詰曲失西東。望來紫塞雲霄迥。身到黃榆沆瀣通。向夕悲風自長嘯。關門蕭瑟度飛鴻。

過代州

蕭蕭征馬向邊州。百雉嶙峋據上游。画角數聲龍

塞月。鐃歌一闋雁門秋。漢家已築祁連塞。大將何須定遠侯。父老至今思李牧。十年不治待邊樓。

穉賓曰取境沉鬱

曹爾埏 三見

九日社集

風雨無邊入夜來。秋深江上阻登臺。一年又是茱萸節。千古空憐鸚鵡才。庾亮樓前鴻乍至。陶潛籬下菊應開。寂寥喜有城南約。賦就新詩醉幾回。

古隍日風度冲夷

魏允札

六見

卜臣曰州來弟七言律已自
流麗加以高渾便足成家

古意

交河一去路悠悠。夫婿長從定遠侯。鴈不傳三
歲札。清砧空度隔年愁。月明楊柳朱樓晚。露濕梧
桐金井秋。知是玉關猶未入。更將離思托箜篌。

禹書曰比之盧家
少婦情致自稱

贈故寧南侯 客蘓生

黃衫年少最風流。曾向朱門鼓瑟遊。自學吳儂歌

子夜。那堪水調按伊州。尋山到處題新句。對酒逢
人說故侯。十載江南搖落客。夢魂猶遶庾公樓。

秋懷同子更穉賓

南征豹旅正橫戈。銅柱功高馬伏波。騎象土風同
百粵。占雞荒服有諸羅。夷童輸賦金沙積。蠻長供
軍餉。醬多極目滇池佳氣盡。傷心離黍一悲歌。

又

夜闌獨坐理鳴琴。遙寄烟霞物外心。天畔鴻飛榆
塞月。霜前風斷柳城砧。周官自昔多三黜。漢法由

來重十金。叱馭莫過九折坂。王陽此日好抽簪。

又

蕭疎衰柳拂長堤。十里迎霜極望齊。獻賦未能逢
狗監。幽居聊自學雞棲。玉繩影入清秋迥。銀漢光
隨白露低。愧我吟成非絕唱。諸公黃絹有新題。

履旋坐上贈子京

陳君名士本風流。一榻長懸待爾留。何事無書來
北郭。應知堅卧自南州。春溪對酒花盈座。夜久高
吟月滿樓。秀穆文章推獨步。玉臺駢麗足千秋。

陳喆倫

子更日宕
佚似嘉州
五見

達夫曰安上七言律姿制
弘敞與孔益真稱二難

上巳

纔過昨日清明節。又值今朝上巳時。修禊由來多
勝事。尋芳何處駐遊絲。華林射馬春雲暗。曲水流
觴落照遲。感慨年華重回首。蘭亭佳會好相期。

卜臣日
媽秀

聞吳子登泰山絕頂遙有此贈

東望巖巖古岱宗。携筇獨上最高峯。石壇曉映千崖月。日觀晴飛萬壑鐘。天子何須尋漢策。大夫空自號秦松。凭欄四顧無窮興。有客中原恨未從。

秋懷

萬騎遙傳下夜郎。伏波南去海雲黃。山開百粵標銅柱。地入諸羅控越裳。空外砧聲悲夜月。天邊雁影帶秋霜。那知旌旆昆明上。漢主雄心正未央。

又

西冷作客久蕭條。况值金風萬木凋。山色曉含秦

望月。湖光秋映浙江潮。文章自許龍門近。遇合還疑狗監遙。身世只今憂轉切。好將生計問漁樵。

曹爾埴 三見

錢爾玉爾斐招飲滌覽堂限韻

哀箏朗笛度新詞。綺席清談總舊知。秋色更從今夜好。西風應視昔年遲。二難奕奕雲間雋。七子翩翩鄴下詩。時同席者七人促坐留賓還惜別。拍浮五白醉南皮。

亭彥曰西
山爽氣

錢 爍

五見

擬唐人立春日侍宴應制

金門光動歲華初。玉律傳頒太史書。舜琯新開九
域暖。堯樽分賜百官餘。梅花欲傍龍旂發。柳色常
隨鳳輦舒。萬樹寒烟生瑞靄。春風蕩漾襲華裾。

擬唐人侍宴安樂公主山莊應制

沁水園開春草菲。乘螭帝子下彤闥。鑿池不讓昆
明水。疊石還分織女機。堂上笙歌鸞雀舞。雲中簫
管鳳凰歸。新承翠輦巡遊徧。鳬雁喁喁仰德輝。

孫復煒

五見

稗官曰介子天姿豪宕不
事規摹二律獨能神似

輝六日載蕃七言律
標辭俊麗殊見菁華

中秋南樓望月寄懷友人湖上

搖落江城草木凋。層樓悵望隔清宵。疎鐘白月來
三竺。綠水輕風蕩六橋。客到湖山青桂暮。槎臨牛
斗絳河遙。殷勤好寄南飛雁。莫遣音書嘆寂寥。

越石日溫
麗清灑

桃花

近水依山掩映紅。遠村明滅盡芳叢。莫愁湖畔迷春靄。宋玉牆頭待曉風。遊騎折來香漠漠。林鶯啼過雨濛濛。未央前殿今寥落。幾樹殘霞悵望中。

送婦翁顧菴先生入都留集舟中

輕橈斜轉画橋西。十里垂楊水面齊。麗日晴郊芳草暗。碧天春樹夕陽低。玉壺泛酒人皆醉。紫陌飛花鶯亂啼。明到長安應見憶。好憑驛使寄新題。

群賓曰三四
是錢劉俊語

送子更之睦州

富春紅樹正紛紛。迢遞千山對夕曛。宿霧迷離愁裡度。秋風蕭瑟客中聞。布帆斜挂芙蓉峽。粉署遙連薜荔雲。早晚經過七里瀨。好携筇杖問桐君。

送友人入都

驪歌緩唱動征鞍。貰酒旗亭且盡歡。傾蓋不嫌過從數。攀條始信別離難。黃河水落輕舠過。青土秋高正馬看。倘遇燕臺舊相識。憑君傳語問加餐。

曹鑑章 五見

交謔曰達夫七言律一
往有雋氣自然令上

元夕

銅壺漏下薄寒生。上客相過酒乍傾。已見金吾弛
夜禁。更聞玉笛動春城。燈開火樹千門曉。月照星
橋九劇明。却憶長安歌舞地。五陵裘馬自縱橫。

古意

金勒長辭紅粉樓。樓中遲日下簾鉤。竇家機上三
年淚。趙信城邊萬里愁。蘆管吹殘龍塞月。鐵衣寒
徹雁門秋。可憐少婦深閨夢。夜夜相隨到隴頭。

甲午季冬觀征南師發長安

薄伐無諸已十年。出車郊牧律森然。駒駝夜宿千
崖月。羆虎晨炊萬竈烟。下瀨徒聞乘彩鷁。伏波空
望墮飛鳶。鼓鼙此日東南急。肄雅誰歌采芑篇。

其二

八閩烽火動寒宵。翠羽明珠久寂寥。組練三千玄
甲麗。貔貅十萬絳旌遙。越裳海外重周譯。銅柱天
南插漢標。多少征蠻諸將在。長纓誰繫獻層霄。

子更曰軍旅之
作華整不佻

江行

江草江花淚未闌。漫移輕舸向長干。秣陵王氣浮空遠。瓜步潮聲入夜寒。水抱石城五馬渡。山連鐘阜六龍盤。那知自昔繁華地。玉樹無端一曲殘。

咏柳

新鶯刷羽亂金塘。萬縷千絲映日黃。遠戍自憐關塞隔。深閨偏恨別離長。參差舞向章臺下。縹緲烟生汴水傍。回首天涯愁極目。不堪攀折寄遼陽。

咏竹

肩輿盡日爲誰留。長自青青對子猷。能使至尊臨

薛縣還迎刺史向并州。山中醞熟人皆醉。笛裏寒生客易愁。不見渭川千畝綠。遲君萬里覓封侯。

穉賓曰特見工密

陳謀道

五見

西湖晚眺

西湖極望遠烟浮。薄暮鳴橈載酒遊。黛色千重平葛嶺。波光一片繞秦樓。風來彩鷁渾忘暑。露滴紅蕖欲報秋。更上南山一憑眺。雲濤無際海門流。

卜臣曰娟

秀如昌穀

登南屏

携屐南屏四望寬。凌空高閣俯清湍。風生古渡千帆急。雨濕秋林萬壑寒。碧海波濤當檻出。滄江烟霧隔城看。百盤樹杪飛流掛。有客登臨興未闌。

掌公曰琅琅可誦

李炯 三見

赤茂曰盈川第七言律清芬絕人

宿回龍菴量公精舍

支遁幽居客到稀。暝鐘清楚每相依。天香裊裊來

空界。祇樹陰陰鎖翠微。波靜魚龍還隱見。月明烏鵲自翻飛。生平漫有江湖興。此夕逢君欲息機。

卜臣曰蕭然有遠致

詠燕

故國烟花逐轉蓬。雙飛猶自滿吳宮。低迷柳徑三春雨。蕩漾蘭皋十里風。銜罷落泥金屋外。見來遺卵玉筐中。差池綺翼渾如昨。惆悵烏衣巷已空。

送友人之維揚

河干春望柳條青。五兩風吹不暫停。野濶高吟隨

驛路月明長嘯滿江亭。平山花發嬌華薄。楊子濤
生湧翠屏。莫上金焦更西眺。鐘陵佳氣已冥冥。

錢 燁 二見

懷子弁都門

君從臘月訪庭闈。落日河梁嘆路岐。惆悵只今千
里外。風流憶昔十年時。江南春去歸鴻杳。薊北雲
深度馬遲。共識盛朝多雨露。相思何必重淒其。

穉賓日子明雋才年甫弱冠卽賦玉樓殊堪惋惜

陳 秉 六見

卜臣曰夏臣于詩尤工近體憶甲午冬與予同上公車途中覽古典懷卽景賦物相爲倡酬夏臣才富思敏率多先成工麗難爲屬和予便閣筆今所錄半係爾時所作言溯情形宛然心目人琴之悼何能已已

贈揚州守蕭五雲

聞道維揚古帝京。僊郎擁節領專城。天開吳會堯
封迥。地接淮流禹貢平。千里烟波通尺素。十年風
雨見交情。投來白雪難爲和。文選樓中舊擅名。

舟次攜李飲外舅齋中

驪歌迭唱不勝悲。置酒相看且莫辭。千里寒雲逢

北雁一樽飛雪對南枝。平沙渺渺雙帆去。遠樹蒼蒼匹練遲。縱使燕山春望隔。加餐時有尺書遺。

州來日不
減文房

留別吳巨手舅氏南湖隱居

檻外鶯湖靜不流。庭前草色自沉浮。曾聞交結賢豪客。已是風塵二十秋。握手寒雲行策蹇。啣杯明月更登樓。最憐今夜驪歌發。又向關河賦遠遊。

舟次吳江飲周長生長康兩舅氏大雅堂

三秋契濶思依依。此日經過意不違。遊子還能停

短棹。飛蓬又欲逐征衣。開樽共對秋江冷。把袂遙看列宿稀。回首十年霜雪淚。渭陽握別草霏霏。

揚州遊福源寺

毘盧登眺倚岩巖。坐對高寒楓樹凋。石洞花開常寂寂。香臺葉落自蕭蕭。鐘傳天外青峯盡。梵響雲中碧殿遙。不是海門常在望。清泉那接大江潮。

井相傳云
通大江

燭崑曰起
結渾成

遊覺皇寺同長倩賦

牢落風塵度歲華。與君攜手問袈裟。禪房肅肅天花下。古殿陰陰霜樹斜。雲曉疎鐘開萬壑。月寒清磬隱千家。羈人踪跡原無定。碧水晴光道路賒。

宿會亭驛

相傳是齊桓公合諸侯地也

相傳昔日霸圖雄。壇坫曾經此會同。地敞平原千騎列。天開孔道九關通。懸車束馬來東海。賜履分圭表大風。遺烈只今碑碣在。側身懷古夕陽空。

經商丘

策馬南來豈壯遊。風塵此日過商丘。池臺蕭瑟留

明月。劍佩蒼涼接素秋。晴樹遙含平野色。寒沙長抱濁河流。最憐疇昔經戎馬。翹首關山萬里愁。

渡河

樓船橫絕掛帆過。積雪層冰入望多。水合東西趨碣石。地分南北鎖黃河。堤邊盡下淇園竹。天上驚傳瓠子歌。聞道燕雲需餉急。司空輪輓莫蹉跎。

掌公曰高

壯無匹

鄴都懷古

鄴下風流不可攀。荒城駐馬共遊閒。層陰繞郭青

峯杏萬樹凌霜白鶴還夜色旌飛漳水曲夕陽馬
度太行山賦詩橫槩今安在惟有風塵瘁客顏

渡漳河

馬上關山雨雪多茫茫北望見漳河寒雲接地行
人斷衰草連天獵騎過倚劍中原迴白日開樽上
國渺蒼波何當鄴下繁華地極目蕭條一醉歌

蔣昌載

後學魏儒輝全校

毛景瑩

柳洲詩集卷之十

毛蕃 蔣瑑

陳增新 李炳

同學

李煒 魏允枚

全選

魏允枏 曹鑑平

五言絕句

沈湛

五見

雨後同陸稼書過赤茂東園看梅索飲

飲酒當及時莫言明日始請看地上花春風吹不

起。

沈煌 六見

和穉賓初月曲

初月曲穉賓里門同聲歌也挾以入燕和者雲集人奏西崑之體珠多南浦之貽有此麗情何辭染翰歌驚燕市如逢蘇小之車願以吳趨更附子夜之調

捲簾對蛾眉。本在城南隅。那知弦與望。未得長相俱。

其二

朝看燕山雲。暮看燕山雨。飛雲捲雨還。初月當窗字。

魏學渠 七見

題陳章侯東籬圖

孤松千尺高。盤桓日移晷。誰是送酒人。黃花照秋水。

掌公曰似摩詰輞川諸作

蔣玉立 七見

橫塘曲

妾來橫塘路。郎出汴墅關。陌上垂楊柳。知郎手自攀。

其二

明知郎意重。遠來與郎別。願郎愛玉體。弗復常念妾。

卜臣曰是齊梁語

陳增新

七見

古意

郎揮白玉鞭。妾駕沙棠楫。鞭聲與楫聲。兩兩驚吹葉。

周宏藻

六見

古意

自作遼陽戍。三年尚未歸。忽傳音信到。收淚下鳴機。

玉樹後庭花

玉樹新聲斷。深宮青草生。可憐楊子月。猶照石頭城。

柳洲詩集
計善 七見

夜坐

白露起庭鴉。明星照桂花。當年銀漢曲。何處待乘槎。

詠史

魯連定人國。笑却千黃金。壯士秉高義。誰與論此心。

李煒 七見

稗官曰赤茂五言絕似六朝人樂府不雜唐音

幽州馬客吟

隴水流無極。幽州馬客吟。匣中三尺鐵。風雨暗知心。

襄陽歌

白馬紫金絡。春風楊柳枝。馬鞭倚長笛。蹴跋襄陽見。

羽林郎

出身羽林騎。作使邯鄲倡。男兒貴適意。安用尚書郎。

柳洲詩集
卷一
丁督護

少小燉煌側。不知邊塞長。一歌丁督護。淚落鐵襠襠。

掌公曰骨力豪上

瑯琊王

寶劍千金裝。青驄大道旁。摩娑鞍轡側。知是瑯琊王。

愛妾換馬

春堤愛飛兔。秋櫳怨驚鴻。駿骨人間有。娥眉不易。

工。

又

棄擲金縷衣。還試連錢鐵。柳葉淚如波。桃花汗如血。

毛

蕃

七見

卜臣曰五言絕獨稱賓最富詠史之作可與摩詰息夫人子美八陣圖等篇雁行今存者不及五十分之一聊以見其大都耳非有意端收此數首也

秋日經要離塚

只因報知己。不復顧妻子。留得一孤墳。年年秋色。

裏

烏衣巷

昔日烏衣巷。年來事已非。只餘雙燕子。還傍舊巢飛。

延陵掛劍臺

生前未可信。況乎當既死。千秋掛劍者。只是一季子。

偶閱晉史

魯公有兩女。咄咄多怪事。小女憐少年。大女憐小

吏。

子更曰
古調

讀琵琶行

偏是失意人。遭逢皆失意。琵琶一曲終。剩得青衫淚。

王之圻 六見

古意

郎是貧家子。不好着綺羅。爲郎製絺綌。其奈秋風何。

李 炳

七見

子更曰燭崑五言絕
調古情深可參樂府
掌公曰燭崑五言絕寄情縹緲用
筆高古在儲兗州王江寧之間

明妃怨

不是君恩薄。蛾眉出漢宮。
黃雲疑碧草。淚落石榴紅。

少年行

俠客遊大隄。寶馬黃金絡。
擲去珊瑚鞭。紅樓恣歡諠。

又

秋風獵騎雄。白羽插鵬弓。
莫唱涼州曲。縱飲入新豐。

自君之出矣

自君之出矣。不復到花間。
分明雙蛺蝶。一去隔巫山。

又

自君之出矣。不復理蠶絲。
紛紛千萬緒。織錦在何時。

魏允梅

七見

蘭

九畹移芳植。來登君子堂。何如空谷裏。憔悴老秋霜。

又

國香堪作佩。况有歲寒心。試入瑤琴曲。能同白雪音。

丁胤淦

五見

隱者

有客自終南。相逢洛陽路。不作金門言。芒鞋踏雲去。

曹鑑徵

六見

子存曰徵之甥五言絕語語皆是初唐

隴頭水

隴水流離下。隴山高接天。似憐征戍苦。嗚咽向秦川。

梅花落

絕塞愁無限。深閨獨自悲。不堪花落盡。轉入笛中

吹。

銅雀臺

客登銅雀臺。日落西陵樹。松柏莽蕭蕭。盡是愁人處。

懷掌公弟禾城

咫尺禾城路。離情空復多。謝家春草色。昨夜夢中過。

穉賓曰情

見乎詞

魏允枚

七見

曉發宿州大風寒甚

明星猶在戶。倉卒戒征鞍。遠道青衫薄。嚴霜刺骨寒。

其二

日出風逾急。天寒凍不開。亦知霜雪苦。何事又重來。

曹鑑微 二見

錦石擣流黃

清礎月下急。少婦獨含愁。一去三千里。何由寄隴頭。

頭

孫 錄 七見

咏蘭

握香誇大國。含意托幽人。憔悴江潭上。年年泣楚臣。

卜臣曰幽玄之
致得之右丞

聞雁

何處砧聲急。征鴻帶雪飛。閨中愁少婦。十月未成衣。

蔣 瑒 七見

燭崑曰馬書五言絕直是六朝歌
曲每善作閨中語其質處尤古

情詩

潮水迎郎來。潮回送郎去。願作精衛鳥。填却潮回路。

初月曲

初月月如鈎。月光常不滿。坐待十五六。金波自宛轉。

初月復初月。月圓月更缺。郎來如轆轤。恩情那能

絕

代人惜別

妾知郎在前郎行妾隨後錯問襄陽估船中是郎否

小艇不論千大艘不論百知是關權苦莫放江南客

妾如長江水郎作江上舟艇子不得住送郎上揚州

越石曰數作境淺意深有似晉宋間樂府

曹鑑平 七見

聞雁

嘹唳作邊聲城頭片月明秋風何處起吹送玉關情

邯鄲歌

翩翩遊俠兒驅馬邯鄲道直上古叢臺天風吹白草

赤茂日

合作

戈元穎 六見

古意

獨立難爲怨。龍沙夢未真。却憐一片月。同照別離人。

錢士賁

六見

葵花

五月葵初放。山深客到稀。花逢細雨足。藥向夕陽微。

魏允札

七見

陌上桑

鬱鬱陌上桑。萋萋路傍草。含意殊未申。送君東門道。

其二

鬱鬱陌上桑。灼灼庭前花。君自愛游俠。妾自惜年華。

其三

鬱鬱陌上桑。迢迢山下路。君行一何早。君歸一何暮。

燭崑曰。本是樂府題。出之流便。遂成佳絕。

曹鑑章

六見

春郊

憑高一縱目。草色帶流霞。日落孤城晚。風吹桃李花。

陳謀道

六見

歸舟

長湖三百里。一日掛帆歸。野寺疎鐘度。秋林葉葉飛。

陳秉

七見

馬上口號

芳草原中遍。低迷送遠驂。枝頭如有意。盡是向江南。

七言絕句

沈湛

六見

春閨

剪剪梁間燕子棲。簾櫳深啓小窓低。常教護惜門前草。留與郎歸觀馬蹄。

褚偉

四見

席上贈妓

鸚鵡杯寒玉漏分。蘭膏斜映石榴裙。詞殘白苧人
何處。腸斷荆臺夢裏雲。

又

泥金雙帶索新詩。字字須推黃絹詞。不是才高何
水部。梅花羌笛最相思。

沈 煌

七見

永樂邊詞

秋高縱馬獵焉支。塞草芊芊出兔兒。采得霜毫分

帳下。李陵臺上賦邊辭。

天啓宮詞

大內新開女教場。雲鬟壓隊擬名王。受俘皇帝親
書敕。娘子將軍號破羌。

崇禎宮詞

每從皇后學親蠶。織罷休將錦匣函。願賜廷臣囊
諫草。幾回御手得常探。

子更曰

似王建

寄懷季子于肇慶

勞竹城邊試錦衣。爛柯山下草初肥。春風幾夜吹鄉夢。遙傍天南一雁飛。

王 睿 三見

吳淩日旦

老驥鹽車雙耳垂。英流天絕更堪悲。却將冀北窮途恨。併向山陽笛裏吹。

顏 黃 五見

公子行

桃花歷亂滿平蕪。高會群携白玉壺。三唱竹枝人

盡醉。壚頭坐調酒家胡。

魏學渠 八見

穉賓日子存絕句意多含蓄語極春容可謂純詣

寄彭雲客山中

閭閻城外月輪高。有客懷人思鬱陶。十載銜杯重問訊。雲山迢遞隔秋濤。

江右康味澹先生令予邑去後而邑人祠之。湘泉菴志弗剪伐也。小范以公車之北過拜先祠作湘泉慕八章家國之痛備焉。湯

和二絕

處處丹楓繞樹枝。殷勤含淚讀殘碑。只今故舊幾人在。惟有泉流似昔時。

其二

攜手同車整客裝。燕山風雪正蒼茫。夕陽古道征衫薄。愁絕湘靈水一方。

寶帶橋

吳閶秋色望中開。雙槳孤蓬日暮來。碧月斜分橋影動。銀河倒瀉練光回。

赤茂曰勝于君平
曉月暫飛之作

戲贈子更

紅粉朱樓出曉粧。前溪笑指野鴛鴦。朝雲自逐陽臺去。盼殺垂鞭遊冶郎。

賦得茉莉頭上開和次典夏臣

小掠雲鬟帶笑開。曉風吹雪到粧臺。可憐一樣顏如玉。爲有天香着意裁。

掌公曰

娟雅

蔣玉立

八見

古隍曰亭彥絕句尤長艷體情至之
語而以高老之筆出之故無浮聲

經東昌馮氏廢圃有感

漫說桃源能避秦。名花嘉樹徧推薪。翩翩紫燕雙
飛去。猶入空梁別主人。

初月曲爲穉賓賦

戲從阿母學箜篌。芳草春風不解愁。月色初三人
十五。郎來直得老溫柔。

其二

花滿春江酒復清。城頭落月恰三更。與郎油壁青

驄。日纔得團圓分外明。

偶贈

芳草連天翠幕開。鶯花春半近城隈。一鈎貼地金
蓮影。舞罷應呼掌上來。

其二

卮名金屈泛蒲萄。楊柳河橋夜月高。小杜多情應
有約。莫令春盡廣陵濤。

徵之曰四
作俱流佚

題洞庭李公甫山樓

西風挂席五湖遊。一片丹楓萬里秋。自是主人能
好客。繞溪橘柚未全收。

沈權之 六見

金陵懷古

天門徹夜暗三星。何處重聞唱後庭。芳樂已非花
鳥地。宮鶯猶起聽金鈴。

卜臣曰樊

川風致

丁璜 四見

上元踏歌詩

金鳧銀燕影徘徊。火樹重輪徹夜開。玉勒驕嘶歌
舞地。芳塵一道雜香來。

陳增新 八見

交讓日子更絕句有沉鬱
之氣故是摩詰達夫一流

戊戌書事四首

頻年莊蹻王滇池。烽火烏蠻無盡時。自侍臣乘
傳至。點蒼山色照旌旗。

其二

越王左肅未須誇。茅土驚看出漢家。銅柱迥臨嶺

柳洲詩集
外月鐵橋新渡日南華

其三

夜郎兵氣近應銷。萬里王師節制遙。旦暮趙佗來
陛見。偏裨皆插總戎貂。

其四

誰道明珠久寂寥。降旗一片蔽青霄。黔中舊部都
承寵。朝罷揮鞭去射鵞。

亭彥曰四作極得
變雅詩人之義

別中都呂孝芝明府

魯水城隅兩道分。榴花炤眼日將曛。感君意氣醉
君酒。明發中都是白雲。

寄懷周端臣

金州明月路三千。目斷榆關落雁天。一自短轅人
去後。曉烏啼徹舊臺邊。

古堍曰纏
綿悽惻

無題

棠梨花暖紫綸巾。花底殘香散作塵。遲日明粧同
拾翠。鶯啼繡戶可憐春。

其二

碧天如水露華凝。疎雨無端暗玉繩。不照紅粧歸路。杏蘭膏空。燕九微燈。

其三

薔薇浴罷晚粧明。窺向東牆善睐迎。斜倚珠簾橫黛立。斷紅雙臉不勝情。

其四

曲終人散月當天。羅襪春生步步蓮。一入深閨庭院靜。始知神女隔湘川。

卜臣曰。禮麗不敷。香奩。

周宏藻

七見

燈市摸金鋪曲

二八人逢二八天。玉橋凍滑奈金蓮。白綾衫上月光潔。人去月寒春可憐。

赤茂曰。竹枝逸調。

小遊仙詩

朝來桐柏夕浮丘。五色雲中汗漫遊。玉輦金輪時厭坐。御風飛轡只青牛。

其二

群僊昨夜下瑤京。天女如花擁幔城。前隊旌旛渾莫辨。後車惟見董雙成。

計善

八見

從軍行

羽書昨夜發諸營。匹馬交河踏雪行。收得思鄉未乾淚。入雲孤角又三聲。

交讓曰

似中唐

上元蹋歌詞

火樹星橋度一時。露華低拂萬年枝。雞聲欲報長春殿。龍影遙歸太液池。

馮明升

二見

青樓曲

高樓西北接雲平。堤上翩翩白馬行。拋落金丸看不見。水晶簾外忽然聲。

李煒

八見

交讓曰赤茂七言絕辭生于情氣餘于彩峩峩岸特不以粉澤爲工

春閨曲

柳洲詩集
卷十
三
碧玉堂前柳絮飛。白狼河外信音稀。征夫不及營
巢燕。歲歲春風一度歸。

少年行

俠客陽春試白駒。十千沽酒倚當壚。寶鞭欲換金
條脫。玉盃還傾琥珀壺。

寄顧仲思

披裘五月意徜徉。幽谷無人爾獨芳。但使連城堪
自抱。何須楚國信陵陽。

子存曰赤茂亟稱仲
思之才故寄旨如許

贈雲間石香弟

連枝歡愛重難忘。不遠盈盈水一方。駿馬憑陵看
意氣。朱絃踈越見文章。

贈張生

荆綏芒屨莫長嗟。徒步風塵閱歲華。此日交情君
自見。東南誰是魯朱家。

贈蘇崑生

重唱淋鈴短髮髩。管年曾侍晉征南。鐃歌鼓吹今
安在。霜露關山溼曉簪。

徵之曰余嘗作是題今亦列
集中殊有蒹葭倚玉樹之愧

贈歌者

嘈嘈義甲響鯤絃。宓子單衫度采蓮。最是五更風
露重。雲和斜抱未成眠。

爲歌妓作和淵伯韻

試將神駿比紅粧。驗取春風金縷箱。一曲伊州聲
婉轉。閒情撩亂杜韋娘。

柳洲縱目成句

碧堤沙柳更依然。裴樂風流自往年。此地酒壚今

已渺。不堪洛水再談玄。

有感

管鮑鍾牙自一時。浮雲蒼白未堪期。涉江采采秋
風暮。縱有芙蓉欲寄誰。

偶題

何必凌雲賦子虛。翛然山澤送居諸。不緣意氣捐
卿相。那得虞生老著書。

七月十五斷橋聽戍婦哭墓

鬢髻錄耳北山頭。啼斷山雲咽不流。猿雀蟲沙零

柳沙詩集
卷一
落盡南征八駿使人愁

其二

浪說封侯萬里還。北芒纍纍叫孤鶻。可憐鴨綠江邊夢。那識柳花翡翠天。

卜臣曰二

作新雋

李 鄂 六見

天啓宮詞

元夕金吾放踏春。鳳靴鸞袖紫綸巾。羽林錯認官家到。執戟東廂不敢嗔。

計 能 五見

五日權歌

沈沈曉霧接蒼波。帝子還歸暮雨多。無限含情對湘水。更教遷客此經過。

其二

江頭風日暖青莎。人倚江樓聽踏歌。忽記王孫芳草路。薰風簾幙奈愁何。

毛 蕃 八見

州來曰辨賓七言絕情
深文明兼擅三唐之勝

楊州清明竹枝詞

楊枝拂地綠烟浮。夫脩年年好遠游。二十四橋風
日麗。可憐江水自東流。

其二

江潮如雪拍天高。堤上東風送伯勞。那得郎心長
似水。朝朝暮暮廣陵濤。

其三

妾家住在權關前。早夜登樓望客船。爲語郎君休

作客。客船歸去竟何年。

其四

平山塘上落英多。城裏遊人幾隊過。偏是小鬟能
解事。對人不語注流波。

古隍日風
致艷逸

西宮春怨

御溝楊柳拂新黃。簾外花飛滿院香。五夜鳳簫翻
樂府。可知天子在昭陽。

青樓怨

朱樓十二玉闌干。翡翠簾深夜月寒。惆悵交河人
獨往。燈前空憶贈琅玕。

其二

腰肢無力倚風斜。愁駕春郊七寶車。陌上垂條攀
折盡。從今飄泊任天涯。

連夫日言
情恬雅

暨陽作

烟霧蒼茫滿院陰。誰將投報憶南金。雙飛蛺蝶穿
花過。想斷天涯旅客心。

哭子明

江東衛玠早知名。麗藻翩翩富兩京。此日風姿還
可憶。賜餘堂外月華明。

王之圻 七見

將至端州代內作

鈴半江畔水潺湲。錦石仙花春色斑。君去乘舩從
此過。可曾知有望夫山。

呂 騷 七見

擣衣曲

霜葉蕭蕭墮井梧。雙題染汗立庭蕪。不知遼海銅
鑪月。曾照清砧妾影無。

徐之陵 四見

訪詹確菴年伯

摧落西風草閣寒。迢迢百尺俯清湍。寧堪蕭瑟江
關客。一曲高歌蜀道難。

塞下曲

魚海雲橫塞路迷。龍城風急角聲低。從來此地無
猿狄。多爲征人不遣啼。

李 炳

求仲曰結意
能自出新
八見

上元踏歌詞

龍輿宵御鳳凰臺。動地笙歌天半來。萬戶玉繩侵
曉落。千門金鎖徹明開。

長信秋詞

珠簾半捲對銀河。彷彿遙聞玉輦過。明月自懸紈
扇薄。新愁還似去年多。

穉賓曰情
深于江寧

塞下

遠戍辛勤汗血多。秋風原野唱離歌。封侯豈必皆
飛將。鐵馬宵行獨荷戈。

其二

關山月照陣門開。萬里思歸畫角哀。玉筋莫啼離
別久。平安寄語馬西來。

春日郊遊

平蕪芳艸自芊芊。錦纜繚舟綠水前。棹入橫塘垂
柳下。伊家更在曲橋邊。

宮詞

新承恩寵到昭陽。翡翠屏開雞舌香。立向瓊軒迎
玉輦。君王親賜錦鴛鴦。

無題和淵伯

畫機鳴柳何處迴。芙蓉木末楚江來。同遊盡是悲
秋侶。紅葉黃花莫並開。

其二

桂槳輕搖幾度迴。隔江低唱采蘋來。風高洛浦人
多病。珍重湘簾未許開。

夏 鱗 二見

春遊曲

春衫白苧最翩翩。蹀躞芳堤馬不前。頻落金鞭忘日暮。海棠花畔看鞦韆。

魏允梅 八見

子更曰交讓絕句極有姿制能于四句中層折而出風流蘊藉獨步一時子存曰交讓姪近體中七言絕句尤勝惟其善于運筆故音節既諧意態橫出

寒下曲

傳烽不斷白龍堆。獵獵風沙暗地來。夜半將軍開

玉帳坐看梟騎捉生回。

其二

千群浴鐵炤黃沙。萬竈烟生落日斜。莫道燕支春色少。寒梅吹出笛中花。

禹書曰此作可與王之渙作相伯仲

其三

戰罷陰山鳥不飛。嶢嶢塞下月光微。一聲簫篴千營曉。惟見青霜滿鐵衣。

寄衣曲

塞外西風首霜秋寒衣乍到隴山頭同時刀尺千
行淚并入交河共北流

少年行

胡騶蹀躞玉鞭垂半醉新豐日暮時生長河湟人
不識獨身曾得射鵰兒

赤茂曰
有別致

從軍行

瀚海波翻白日沉穹窿匝地晝陰陰嫋姚已出居
延北未許秋風會蹕林

其二

轉戰頻年定朔方降夷十部盡名王胡姬二八能
歌舞玉手金鍾進酪漿

輝六曰此題不作
衰颯語最爲得

其三

天山落月掛危旌千里明駝雪後輕漢主蒲萄開
上苑玉關重遣貳師行

其四

六飛親到白登臺七萃貔貅扈蹕來從此王庭空

漢北饒歌新奏上之回

采蓮曲

誰家女兒可憐粧。芙蓉爲面葉爲裳。無端兩漿催人去。惱殺青驄白馬郎。

其二

露下金塘散玉兒。歌聲隱隱莫愁湖。朝來朱鳥窓前看鏡裏。芙蓉可似無。

送卜臣弟北上

胥江楓落布帆輕。送汝西風萬里行。一路寒山看

不盡。浮雲遙接鳳凰城。

題法螺精舍

絕頂峯開祇樹林。翠微俯瞰碧沉沉。數聲清磬落山下。門外日斜春草深。

掌公曰亦是盛唐

和湘泉慕詩

湘泉慕者江右康子小范之所作也。其尊人儀部嘗宰吾邑。旣去而邑人思之。建祠于郭外之湘泉菴。康子至吾邑作詩以述

先德屬予和焉

寂寂荒祠宿莽平。使君昔日此專城。只今墮泪碑猶在不盡千秋萬歲名。

其二

十三園寢失烝嘗。回首燕山欲斷腸。日日湘泉祠下水東流。猶得到扶桑。

肅陶曰感
慨情深

李燦六見

寓湖上值越石自括蒼歸以詩見訊率爾奉

畬

背日丹楓照眼新。漫移孤棹客湖濱。寒聲一夜秋江急。潮落知君度富春。

其二

南屏秋盡朔風寒。衰草蕭蕭木葉乾。尺素侵晨勞問訊。陽春一曲夢中看。

卜臣曰淡
致自勝

楊柳枝詞

臨岐執手兩悽悽。細柳春風送馬蹄。錦字雲中傳

不盡遲君清夢到金閨。

其二

杏花飛盡柳花飛。白雪紛紛亂撲衣。不道郎心渾似絮。天涯飄蕩未言歸。

孫鑣二見

旅次七夕

故衣憔悴落紅蓮。何處風光不可憐。萬里月明秋似水。三更夢斷夜如年。

其二

七夕他鄉有所思。忽驚天上是佳期。銀河瀉影懸秋月。空照羈人怨別離。

顧瑛美七見

亭彥曰輝六才大絕句似不屑意而玉骨巖巖有蒼渾之色

楊州竹枝詞

油壁輕車及暮春。香風十里出城闌。曲江正接雷塘路。一半笙歌一半塵。

其二

瓊花觀裡度銀鞍。九曲池邊試木蘭。遊冶少年裝

東好高靴窄袖打金丸。

其三

碧紗籠火映新粧。北語南音集畫廊。莫道路旁花色淺。宵來七十二鴛鴦。

卜臣曰縈于夢得

鄴宮詞

亂頭麤服玉顏殊。破賊今年正爲奴。遍示坐中誰獨視。且教左校暫論輸。

其二

玉鉢新携出魏宮。當時琛賁自西戎。已知不是尋常物。謾向人間說鬼工。

其三

空傳顏色燁如花。寢殿承恩事已賒。解道佳人難再得。更將哀怨託琵琶。

掌公曰物色甚異若止鋪叙塵宵辟寒故事便成庸筆

丁胤淦 六見

上元踏歌詞

長安士女踏華燈。月下笙歌滿鳳城。天子臨門看

楊洲詩集
賜。黼。自。操。檀。板。按。新。聲。

曹鑑微
見

穉賓曰微之絕句調雋而意深格高而
調逸同人共推可與交讓卜臣鼎足

贈故寧南侯幕下歌者蘇崑生

十。隊。紅。粧。錦。繡。開。當。筵。競。進。夜。光。盃。那。知。白。恰。江。
南。客。曾。上。襄。王。舊。舞。臺。

其二

年。少。蘇。郎。白。雪。歌。時。將。新。曲。按。雲。和。只。今。惟。有。關。
山。怨。彈。向。江。湖。秋。水。多。

其三

襄。陽。城。裏。鷓。鴒。飛。回。首。當。年。事。已。非。憶。得。軍。中。橫。
玉。笛。峽。猿。山。月。兩。沾。衣。

其四

與。君。相。見。重。相。悲。殘。月。簾。櫳。故。起。遲。身。是。征。西。門。
下。客。羞。將。短。笛。譜。龜。茲。

其五

鸚。鵒。翻。躑。舞。袖。沉。紅。牙。催。拍。酒。停。斟。何。須。更。唱。丁。
都。護。坐。客。相。看。已。滿。襟。

子更曰此題徵之作十餘章予刪去過半今存者真堪與唐人並駕

送卜臣計偕北發

沉沉玉漏夜如何遊子當筵對酒歌此去金臺人
萬里帝城春色客中多

金閨送別

金閨門外柳如絲二月鶯花正滿枝最是客中看
不得况教偏在別離時

卜臣曰何必
更唱陽關

塞上曲

交河水合雪初飛獵獵寒風捲大旂遠逐單于過
漠北健兒齊擁橐駝歸

徐時來

三見

春閨

春閨芳樹曉鶯流曲檻迴廊小院幽倚遍闌干嬌
不語臨風手整玉搔頭

陸淮

六見

送徵之往干溪

扁舟遙指木蘭村無限離愁酒一樽手折垂楊頻

楊洲詩集
送遠東風何處不消魂

周珽 五見

閨情

遠夢初回睡起遲。無端幽恨上蛾眉。粧成蛺蝶窺青鏡。妬殺鴛鴦戲碧池。

滄州道中

百花洲上試啼鶯。畫鷁晴飛中水城。天際雪消新黛出。春風回首故園情。

金陵懷古

江草江花似夢中。蒼烟漠漠冷秋風。最憐玉樹花飛盡。月滿瓊樓碧宇空。

周振璜 五見

胡姬曲

綺衣繡袷稱身裁。驄馬驕嘶去復回。壺內雙懸青羽箭。平原結伴射生來。

其二

低垂辮髮貼鴉黃。翠羽明珠七寶裝。聞說西征新賜券。金銀添設兩三行。

其三

略地秦州更蜀州。一身轉戰十經秋。生兒甫得能騎馬。共道形容似阿侯。

其四

家住溪山瀚海東。璽書特賜闢蠶叢。漢江日夜南流急。可有飛鴻到大雄。

交讓曰景

調俱新

吳熊佳

二見

明妃曲

黃沙千里暮雲飛。塞上秋高戰馬肥。燈火徹天橫

吹合。單于親自射鵬歸。

魏允枚

八見

燭崑曰卜臣七言絕設色甚新而聲情合度措意極渾而流佚多姿上摹太白下睨于鱗幾欲與之接茵並轡越石曰卜臣絕句不言情而以聲調之宛轉得情不寫景而以神致之縹緲得景曲折頓挫俱出自然而開闔照應必閑天矩非精思十年未易至也

塞上曲

候月長驅出定襄。馬蹄踏遍夜來霜。短兵乍接皋

柳河詩集
蘭下已見名王走白羊

其二

少長三河家近邊。曾從車騎勒燕然。私渠海上烽
烟息。夜半誰浮馬革船。

其三

占兵西出定車師。笛裏新聲雪裏吹。十角降王齊
款塞。不教五月會龍祠。

其四

邊徼新將斥堠寬。鳴鐘傳鼓渭橋看。胡桃宮外親

臨視玉殿遙聞賜贖丸

其五

河雲南接涿邪山。大帥軍中立號還。乍領屬夷三
百帳。箜篌竽瑟陛前頒。

徵之日如此使
事直是化工

從軍行

幕南埃火達甘泉。薄伐誰言漢過先。新拜元戎霍
票騎。前軍昨夜度居延。

其二

轉戰長隨泥野戾。胡原白草欲先秋。十年不斷清
碁響。少婦嬌啼楊葉樓。

其三

漢將爭高出塞勲。函犀合弩總千群。營開雁翼無
留陣。山入雞頭又駐軍。

其四

白日黃沙夜色開。吹笳遙上赫連臺。自從收得金
人後。不見單于秋祭來。

肅陶曰壯
渾有色

少年行

白馬驕弓獸錦袍。鹿盧初試鷗鶉膏。相逢但向當
壚飲。已覺尊前意氣豪。

其二

少小辭家事至尊。奉車執戟未爲恩。只緣身識張
公子。曾斷倉琅叩木門。

穉賓曰三題有唐名作如林後之擬者亦
復不少但景色易陳閱之意厭卜臣別抒
異彩獨出新裁煥然
奪人目精洵是超詣

宮詞

十年烽火柏梁灾。長信昭陽次第開。一夜秋風工乍畢。侍臣爭捧賀章來。

其二

寒鴉宮樹欲黃昏。奉養西宮未是恩。不爲文君前置酒。可知盡日閉長門。

其三

西域神僧謁帝京。法宮親遣貴臣迎。由來厭勝知多術。蠹蠹煤山塙影橫。

其四

幾載深宮監局閒。綴衣淪落在人間。承恩新拜中常侍。半是先朝供奉班。

其五

風急天高雁欲稀。按鷹調馬雪初飛。遙看列炬如山起。知是回中夜獵歸。

其六

綵勝明朝散玉墀。春光欲度萬年枝。黃茅白蒿爭新色。天子還居太液池。

達夫曰調本于少伯氣高于仲初

淮陰送陳賡斯李載亨歸睦州

扁舟同自薊門還。一曲離歌入楚關。明日孤帆天際宿。白雲回首萬重山。

其二

野渡青青楊柳新。自憐爲客久風塵。送君遠向嚴陵去。七里濤聲落富春。

交讓日不
愧青蓮

送張裔扶出塞兼寄蘧林光伯秋佩彥卓

江天渺渺片帆輕。萬磧千山盡此行。爲報南冠君

子道。相思空有故人情。

其二

攜手河梁一葉分。垂垂白髮泣羅裙。

時裔扶侍其
祖母母夫人

行。遼東九月吹蘆管。多少羈人不忍聞。

其三

自別長安又歲餘。憑君此去寄雙魚。相看無限傷心事。那得含啼便作書。

其四

一隨晚輓去京華。龍首山前道里賒。不向薊門看

別恨將憐遷客只長沙

其五

黃昏吹角作吳歎。嗚咽無聲客思孤。三月漁陽凍。猶合春風原不到關榆。

其六

匹馬衝寒向朔風。斷腸一曲思悲翁。可憐不及交。河水猶得南流繞漢宮。

禹書曰深情逸致堪與楊花落盡一章並垂不朽

蔣會貞

五見

永城道中

北斗闌干影欲橫。行行十里及雞鳴。夢中不識關山路。已道征車度永城。

張辰

四見

宮詞

夜半華清殿尚開。月明歌吹滿高臺。調成錦瑟還嫌穢。喚取花奴羯鼓來。

曹鑑微

三見

涼州詞

幾載洮河戍未還。况逢重度玉門關。堅昆城上吹羌笛。一夜梅花徧雪山。

周振瑗

五見

宿州

宿州城外月如霜。昨夜停驂尚帝鄉。道入睢陽風景異。蒼然梨棗自成行。

孫

錄

八見

子存曰古隍七言絕上駕昌齡下亦不失韓翃李益

烏夜啼

越王臺上曙烏啼。思婦樓前月正低。草色迷離歸信杳。春風不到夜郎西。

塞下曲

玄菟城邊秋草深。射鵬天外賸南金。羽林十萬渾無事。戲馬閒歌出塞吟。

其二

漠北蕭蕭畫角哀。月明直上李陵臺。黃榆白草連天末。擊得生獐夜半回。

其三

貂裘裹甲不勝寒。二月居胥雪未乾。玉帳談兵飛
騎出。青萍新淬斬樓蘭。

徵之曰仲素
無此堅蒼

送康小范之白門

當時諸子盛南皮。冉冉縑塵迥自疑。有客共憐三
月暮。爲君轉作送君詩。

其二

把酒相看夕照中。送君花滿帝城東。離歌高唱
渾難聽。無限鵲啼楊柳風。

其三

燕市行吟散酒人。春寒郢曲向誰陳。聞君擬著吳
都賦。建業風流不可論。

其四

廿年湖海老君才。此去孤帆日暮開。若到白門重
回首。鍾山秋色大江來。

卜臣曰
閒雅

秋思

昨夜微霜覆井桐。蛾眉深鎖合歡宮。遙知無限悲

秋意不獨黃門兩鬢中

偶贈

春風蕩漾木蘭舟。花滿晴川月滿樓。織得蛟綃來解贈。千針萬縷不勝愁。

送友人出塞

襖被驚看塞外行。燕山春盡亂啼鶯。自言薄譴君恩重。目斷榆關此日情。

其二

春深塞草白如霜。足馬驕嘶大道傍。一曲伊州身

萬里。夢回執戟侍長楊。

其三

黃沙獨上隴頭看。滄海星橋太白寒。立馬望鄉愁欲絕。一時相對總南冠。

其四

鐵嶺風高雁影稀。相思明月到金微。憑將羌笛梅花落。吹入天山帶雪飛。

禹書曰愴

惻動人

陳學謙 四見

過婦翁易菴先生故居

生平結客大梁門。客滿堂前酒滿樽。今日蕭條珠履散。幾人還念信陵恩。

朱遁成 六見

漢宮詞

長信秋高落井梧。深宮月色滿庭蕪。承恩偏在昭陽殿。綺綬應懸不夜珠。

魏宮詞

何處承恩玉輦過。鄴宮深鎖恨偏多。傷心不作離

鸞操。自寫蒲生塘上歌。

晉宮詞

玉顏得見翠華稀。却喜行宮接紫微。輦道斜臨交竹葉。羊車爭引未曾歸。

釋賓曰余嘗作自漢以來宮中行樂詞見此覺我形穢

周珂 六見

明妃曲

白龍堆上望南天。塞草迷離塞樹連。最是無情青海月。照人雙淚自年年。

重宿金華

羅袂寒生欲授衣。去家千里未言歸。不知秋思能
多少。極望樓頭雁已飛。

蔣 彖

八見

掌公曰禹書七言絕清越似供奉
明艷似龍標奇思峻調往往軌塵

肇域久客東粵悵然志懷

片帆孤客不勝愁。百粵三江萬里遊。爲憶故人勞
遠道。夢魂時到海陵頭。

二

遊子他鄉行路難。百花開盡鳥啼闌。同君兩地清
宵月。獨向蓬蒿徑裡看。

三

錦石山邊掛錦囊。山頭回首鬱蒼蒼。遙知清嘯啼
猿處。定使分愁入故鄉。

四

瘴烟五月海南天。庾嶺梅花信杳然。羌笛數聲人
萬里。春光一夜到君前。

輝六日四作聳
秀不減青蓮

調友人納姬

蕩子春心處處飛。今宵初綰越羅幃。却教前度青樓夢。杜宇聲中喚得歸。

上衡曰深情之語自是新造

細林野哭

爲大樽先生墓地

細林山接富林村。此日招魂欲斷魂。同作信陵珠履客。幾人慟哭大梁門。

二

繡虎雕龍白鳳凰。九閭晝鏤怨青陽。玉樓天上空

題賦長使人間失錦囊。

夜泊蓮溪故宅

蓮溪兩岸夾垂楊。一片芙蓉十里香。白鷺黃鸝飛不盡。斜暉西望落橫塘。

懷顧偉南王勝時時二子客閩

花落春江叫子規。扁舟遙夜客行時。漸河南去千餘里。明月隨君到武夷。

越石曰神似太白寄昌齡作

上元踏歌詞

學張燕公體廣其意爲五絕句以唐三宗事實之

火柱金枝逐夜開。長寧邸第有樓臺。月華照徹千門裏。天子傳呼駕鶴來。中宗

二

安福門前結彩輪。輕粧炫服踏香塵。三千游女新歌舞。總是西宮一夜春。睿宗

三

鐙樓初試上陽宮。七寶粧成動曉風。爲有君王新曲李。暮偷入笛聲中。玄宗

四

虹橋接殿廣陵遊。誰道邗溝近御溝。一曲霓裳雲五色。不知仙樂下神州。玄宗

五

百枝鐙樹炬。圍四照烟花。焰九微。莫道金吾弛。漢禁楊家五宅夜游歸。玄宗

子更日數作高渾雅麗直逼王龍標覺燕公殊少蘊藉

當鑪口號

山花如雨玉缸開。谿水長流不顧回。只有鴛鴦貪比翼。朝朝飛去復飛來。

題蘭花寄所知

湘江春暮百花稀。竹葉叢生蕙草肥。折得一枝心
萬里可憐。不上楚臣衣。

陳昌 六見

從軍行

旌旗獵獵下榆溪。白馬風生碧玉蹄。百戰不曾看
刮骨。可知身衣七重犀。

其二

安西遙指玉門斜。苜蓿蒲梢入漢家。爲逐貳師征

宛去。幾經束馬涉龍沙。

其三

綠河五月柳毵毵。稽落山前破陣酣。馬上金鐃翻
別曲。萬人齊唱戰城南。

穉賁曰
新矯

夜宿松陵

扁舟遙溯五湖流。遲日牙檣阻石尤。夜靜松陵城
上月。依依清影落寒溝。

吳自求 四見

送唐閬思先生之塞下

朔風吹雪上征裾。去國投荒萬里餘。候雁已南君更北。不知何處寄卿書。

郁自振

四見

春閨

細綠層層慘不開。空庭黯淡冷蒼苔。含情欲向東風訴。斜倚闌干對落梅。

送人出塞

東風難到塞垣春。雙髻從沾萬里塵。猶勝陽關當

日路同行不少故鄉人。

曹鑑平

八見

卜臣曰掌公絕句蘊藉安和饒有大家風度至其音節尤爲可歌

明妃怨

白草茫茫恨未央。琵琶一曲淚沾裳。隴山西北三千里。立馬龍堆望帝鄉。

擣衣曲

聞道沙場未解圍。玉關音信望來稀。空庭獨對梧桐月。坐聽寒螿夜擣衣。

竹枝詞

長日朱樓夾道開。單衫小袖獨徘徊。枯花却打鴛鴦起。儂未成雙且莫來。

寒食舟中卽事

細雨微風古渡頭。萋萋綠芷遍芳洲。可憐寒食春江路。一任花飛送客舟。

州來曰韓舍人一路寒山差堪比儼

哭子明

總帳空懸不忍過。古槐深巷夕陽多。誰知作賦梁

園後腸斷徒聞蒿里歌

燭昆日子明爲掌公妹倩掌公輓詞十章可謂文生于情不能盡收故僅錄其一

懷子弁

京洛三千客路長。去時風雪滿河梁。夢中夜夜同攜手。覺後依然是兩鄉。

戈元穎

七見

子規

五更花外轉霏微。聽罷征人淚濕衣。兵革近來何地少。未應長喚不如歸。

卜臣日晚
唐佳作

宮詞

嚴飈拂曙曉淒淒。雪壓宮花萬樹低。深殿不愁綿
易折。內官擎出辟寒犀。

和沈默菴南湖曲

春曉鸚湖宿雨晴。亂帆西接語兒亭。東風無限新
栽柳。入暮樓臺幾處青。

王辰

五見

天啓宮詞

豹髓燈懸鵲鵲紅。鑾輿宴罷帶雕弓。敕教繡鏡三
千隊。共赴西園看射熊。

沈鱖

二見

聞角

畫角黃昏咽戍樓。忽疑身在古涼州。長風吹落金
波影。散作關山萬里愁。

贈妓

纖腰曾向掌中來。那使蓮花布地開。飛燕身輕飛
不去。隔溪疑有避風臺。

陳暉吉

六見

塞下曲

胡雁哀鳴霜正清。秋風先到受降城。無端吹落關山月。一夜鄉心笛裏生。

采蓮曲

越女紅粧映落霞。蕩舟南浦採蓮花。莫愁日暮無歸伴。明月隨人到若耶。

達夫曰妙

合自然

陸

凝四見

從軍行

木落邊城秋氣深。故鄉渺渺絕鴻音。最憐萬里沙場月。還照閨中夜夜心。

錢士賁

七見

春閨

紫燕飛飛入畫樓。銜泥刷羽及春遊。絲華總是傷心事。那得消人千縷愁。

李孫煌

五見

秋泛

洞庭木落水增波。蘆荻蒼茫隱棹歌。最是愁人聽不得。秋風吹徹雁聲多。

曹爾垣 四見

採蓮曲

菱歌初引日遲遲。菡萏迎風欲放時。競打鴛鴦拋約臂。生憎兩兩宿連枝。

赤茂日頗近晚唐然有新致

周振藻 六見

四時閨曲

深下重幃夢不成。綠楊枝上鳥啼聲。妾家高閣臨芳苑。愛向東風度玉笙。

其二

銀床曲榭納涼時。宛轉新歌白苧詞。不見鴛鴦七十二。空憐菡萏發華池。

其三

霜凋錦樹映堦紅。處處清砧送晚風。無奈空閨聽不得。斷腸聲在月明中。

其四

金雁銀鶯不耐寒。舊時舞袖着來寬。陽關千里愁無限。斜抱箜篌未忍彈。

交讓曰四詩妙有

含蓄自是盛唐

魏允札

八見

掌公曰州來七言絕
語意新奇韻格超逸

塞下曲

飛將犁庭出大荒。朱旗半閃陣雲黃。月明饒吹前軍作。知是生擒日逐王。

又

玉笛橫吹出塞歌。健兒十萬下交河。單于不敢當。驃騎夜半乘冰走六羸。

肅陶曰

新警

楊枝詞

二月東風拂地時。灞陵原上已如絲。可憐妾似春楊柳。每向關山送別離。

又

堤上烟籠十里長。樓頭曉望鬱蒼蒼。攀條怨別人何處。樹樹南枝斷妾腸。

小遊仙詩

香散氤氲紫蓋中。雲房華敞倚高空。驅雞直上天門去。好着青裙拜木公。

又

九光燈下聚群仙。九色斑龍集殿前。盤內玉桃頻賜食。玄靈曲罷奏鈞天。

又

五色芙蓉海上浮。彩霞白鹿降仙洲。百花橋畔還鄉日。已度人間十二秋。

又

春日風微駐壁車。唐昌玉蕊長奇葩。迴看鳳駕凌霄滅。解道神人亦愛花。

陳哲庸

七見

達夫曰州來有小遊仙十章今登其四俱跌宕流美艷而不浮

聞笛

花滿疎簾月滿卮。萬山秋色漏深時。數聲玉笛臨風發。落盡梅花楊柳枝。

雨夜聞雁

淒淒哀怨入寒雲。度雨迴風斷續聞。自是高樓愁易劇。清宵况復念離群。

曹爾延

四見

竹枝詞

勞勞亭畔暫徘徊。郎欲辭儂潮欲回。只願郎如潮有信。早潮纔去暮潮來。

交讓曰弇州亟賞此種詩取其似俚而實雅也若竟以吳歌目之便爲儵父之識

錢

嫌

六見

哭子明弟

玉樹行中第一枝。孫謀屬望重當時。韋家經術今何在。展卷徒存祖德詩。

陳哲倫

六見

旅夜聞笛

月明橫笛在誰家。秋入江城落彩霞。一曲關山吹未盡。那堪楊柳又天涯。

聞雁

霜落天空樹影疎。西風蕭瑟雁飛初。可憐南北常來去。只爲人間數寄書。

釋賔曰本是尋常物
色語而意特清出

孫復煒

六見

再哭子明

絕憐玉樹瘞蒿萊。叔寶風姿輔嗣才。腸斷白楊秋
色裏。幾人同駕素車來。

又

從容揮手謝平生。自祭曾傳靖節名。君到九原無
別恨。一庭萱草月三更。

曹爾壇

四見

秋閨怨

月光斜上畫簾遲。冷露淒淒溼桂枝。獨聽悲笳人
萬里。數聲吹徹五更時。

曹鑑章

七見

從軍行

征人萬里度黃沙。回首秦川道里賒。青海戍頭橫
吹發。關山一夜落梅花。

過易菴舅氏故居

芳草空庭綠正稠。生存華屋竟山丘。嬌歌艷舞知

何處莫向樽前話舊遊。

燭崑曰半曇西州之淚余有同痛

吳宮詞

越女吳妝映水妍。紅蕖玉靨兩堪憐。浣紗不及江南樂。日日香溪學採蓮。

秦宮詞

捲衣初被進阿房。童女如花枉斷腸。三十六年空望幸。可憐一炬燄咸陽。

穉實曰意特超脫

李炯

四見

宮怨

桂殿蕭蕭落葉黃。玉堦細草拂秋霜。月光斜照鴛衾薄。夢斷宮車夜未央。

陳謀道

七見

送蕭五雲先生遊金陵

鴛湖此日駕扁舟。刺史檐帷不暫留。一路蟬聲聽不盡。隨風散作萬山秋。

其二

晴秋萬里越山青。送別長亭更短亭。樽酒莫辭今日醉。明朝遠道正揚舲。

其三

蘭橈錦纜月明初。木落天高影自疎。君到石頭應見憶。南來鴻雁好貽書。

赤茂曰清雅有致

西湖雜詩

芳洲蘋葉綠萋萋。目極天涯雁影低。獨有風塵吳市客。狂歌縱酒斷橋西。

魏允桓

二見

伯兄北上久不得耗詩以懷之

蕭颯西風木葉乾。十年裘褐向長安。可知白髮高堂夢。夜夜征人馬首看。

卜臣曰虎臣弟年少未嫻格律此作粗能言情故錄之

陳秉

八見

虞美人

漢兵四面北風寒。馬上悲歌淚未闌。芳塚只今春草綠。低迷猶作楚宮看。

李 壘

後學周葉纘全校

曹鑑倫



